

Iván Rodríguez Jiménez, secretario do Xurado Provincial de clasificación de montes veciñais en man común de Ourense

CERTIFICO:

Que na sesión do **4 de febreiro de 2020** o Xurado adoptou, entre outros, o seguinte acordo:

III- Polo que respecta ao expediente de clasificación como veciñal en man común do monte denominado “Comunal de Barxa”, a favor dos veciños de Barxa e A Barxiña, no Concello de Celanova, compareceron Consuelo Bispo Conde, José Antonio Fernández Outomuro e Consuelo López Pérez.

O Xurado comunicou aos comparecentes a súa decisión de acordar a clasificación do monte, unha vez publicado polo Concello o edicto do inicio da clasificación como monte veciñal en man común polo período dun mes sen que se presentasen alegacións, publicado tamén o edito no DOG e recibida a certificación do Rexistro da Propiedade.

Vº. e praxe
O Presidente do Xurado

Yago Borrajo Sánchez





RESOLUCIÓN DO XURADO PROVINCIAL DE MONTES VECIÑAIS EN MAN COMÚN DE OURENSE POLA QUE SE CLASIFICA O MONTE DENOMINADO “COMUNAL DA BARXA”, NO CONCELLO DE CELANOVA.

En cumprimento do disposto no artigo 28 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, de 4 de setembro, e de conformidade co disposto no art. 45 da Lei 39/2015, de 1 de outubro, do Procedemento Administrativo Común das Administracións Públicas, faise público que o Xurado Provincial de Clasificación de Montes Veciñais en Man Común de Ourense, en sesión que tivo lugar con data 4 de febreiro de 2020:

Examinado o expediente de clasificación como veciñal en man común do monte denominado *Comunal da Barxa a favor dos veciños/as da Barxa e A Barxiña, na parroquia de Barxa (San Tomé), no concello de Celanova (Ourense)*, resultan os seguintes feitos:

Primeiro.- Con data 19 de marzo de 2018, tivo entrada no rexistro da Xefatura Territorial da Consellería de Medio Rural escrito dirixido ao Xurado Provincial de Clasificación de Montes Veciñais en Man Común de Consuelo Bispo Conde, no que solicita a clasificación como veciñal en man común de varias parcelas denominadas *Comunal da Barxa*.

Segundo.- Con data 13 de marzo de 2019, o xurado provincial acorda iniciar o expediente de clasificación como veciñal en man común do referido monte, designando instrutor e realizando as comunicacións e publicacións ás que fan referencia os artigos 20, 21 e 23 do regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, abrindo un período de un mes para a práctica de alegacións.

Terceiro.- No prazo concedido para a práctica de alegacións non consta que se presentara ningunha.

Cuarto.- O monte obxecto de clasificación, de acordo coa documentación obrante no expediente, descríbese así:

Nome do monte: Comunal de Barxa.

Superficie: 9,47 ha

Pertenza: veciños/as de Barxa e A Barxiña.

Parroquia: Barxa (San Tomé).

Concello: Celanova.



Descrición dos predios que constitúen o monte:

Os terreos obxecto da solicitude constitúen un único couto redondo, segundo a definición que figura no artigo 8 da Lei 7/2012, do 28 de xuño, de montes de Galicia. As dúas parcelas catastrais que o forman están separadas por un camiño que corresponde á parcela catastral nº 9019, do polígono 504, do concello de Celanova. O monte está constituído polas dúas parcelas catastrais seguintes:

Concello	Polígono	Parcelas
Celanova	504	5001-5002

Parcelas catastrais lindeiras:

Linde	Polígono	Parcelas catastrais
Norte	502	20147-9072
	15	9001
Leste	17	1-2-3-4-6-7-9002
Sur	504	93-94-9017-95
	502	77
Oeste	504	5017-5016-5015-5014-5013-5012-5011-5010-5009-5005-5004-5003-116-9020-118-119
	502	9028-79-9029-9066

Fundamentos de dereito:

Primeiro.- O Xurado Provincial de Clasificación de Montes Veciñais en Man Común é o órgano competente para coñecer os expedientes de clasificación dos montes que teñan tal carácter, de acordo co establecido no artigo 9 da Lei 13/1989, do 10 de outubro, de montes veciñais en man común.

Segundo.- De conformidade co disposto no artigo 1 da devandita Lei “son montes veciñais en man común... os que, con independencia da súa orixe, as súas posibilidades produtivas, o seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e se veñan aproveitando consuetudinariamente en réxime de comunidade sen asignación de cotas polos membros daquelas na súa condición de veciños”.

Terceiro.- É reiterada doutrina da sala contencioso-administrativo do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e outra, a atribución da titularidade dese aproveita-





mento ós veciños integrantes dun grupo social determinado, independentemente da súa cualificación ou non como entidade administrativa, correspondendo constatar o aproveitamento e atribuír a titularidade a favor do grupo social que o veña gozando ao Xurado Provincial de Clasificación.

Cuarto.- O carácter de monte veciñal en man común tense acreditado mediante as testemuñas dos veciños solicitantes, as actuacións realizadas polo servizo de Montes, e a documentación que consta no expediente.

En consecuencia co que antecede, examinada a Lei 13/1989, do 10 de outubro, de montes veciñais en man común, o seu regulamento, aprobado polo Decreto 260/1992, do 4 de setembro, o Decreto 149/2018 de 5 de decembro, polo que se establece a estrutura orgánica da consellería do Medio Rural e demais normativa legal e regulamentaria, o xurado provincial por unanimidade dos seus membros,

Resolve:

Clasificar como monte veciñal en man común o monte denominado *Comunal da Barxa a favor dos veciños/as da Barxa e A Barxiña, na parroquia de Barxa (San Tomé), no concello de Celanova (Ourense)*, de acordo coa descrición realizada no feito cuarto.

Contra esta resolución, que pon fin a vía administrativa, poderase interpoñer recurso potestativo de reposición perante o Xurado Provincial de Clasificación de Montes Veciñais en Man Común de Ourense no prazo dun mes, ou ben directamente recurso contencioso administrativo perante o Xulgado do contencioso administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da citada Lei 13/1989, nos artigos 123 e 124 da Lei 39/2015, de 1 de outubro, do Procedemento Administrativo Común das Administracións Públicas, e nos artigos 8 e 46 da Lei 29/1998, do 13 de xullo, reguladora da xurisdicción contencioso-administrativa

Ourense, na data da sinatura


O Presidente do Xurado Provincial de Montes
Yago Borrajo Sánchez

Documento asinado electrónicamente



Xacobeo 2021





SOLICITUDE DE CLASIFICACIÓN DO MVMC "COMUNAL DA BARXA", A FAVOR DOS VECINOS DA BARXA E A BAXIÑA, DA BARXA (CELANOVA)

LENDALegend		SISTEMA DE REFERENCIA ETRS89
 MVMC "COMUNAL DA BARXA"	 PARCELAS CATASTRAIS DE CELANOVA	
		COORDENADAS UTM
		FUSO 29

NOVEMBRO DE 2018	BASE CARTOGRAFICA: PNOA 2017 E CARTOGRAFIA VECTORIAL DA "DIRECCION GENERAL DEL CATASTRO"	ESCALA 1:5000
------------------	--	---------------